

四庫全書

集部

欽定四庫全書

集部

御定全唐詩卷四百八十五

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官學正臣李巖

謄錄監生臣蔣繼熊

謄錄監生臣李維翰

欽定四庫全書

御定全唐詩卷四百八

元稹

酬樂天江樓夜吟稹詩因成三十韻

次用本韻

忽見君新句君吟我舊篇見當巴徼外吟在楚江前思
鄙寧通律聲清遂扣玄三都時覺重一顧世稱妍排韻
曾遙答分題幾共聯昔憑銀翰寫今賴玉音宣布鼓隨
推響坏泥仰匠圓鈴因風斷續珠與調牽絲阮籍驚長

嘯商陵怨別弦猿羞啼月峽鶴讓警秋天志士潛興感
高僧暫廢禪興飄滄海動氣合碧雲連點綴工微者吹
噓勢特然休文徒倚檻彥伯浪回船伎樂當筵唱兒童
滿巷傳改張思婦錦騰躍賈人牋魏拙虛教出曹風敢
望痊定遭才子笑恐賺學生癩裁什情何厚飛書信不
專隼猜鴻蓄縮虎橫犬迎遭水墨看雖久瓊瑤喜尚全
纔從魚裏得便向市頭懸夜置堂東序朝鋪座右邊手
尋韋欲絕淚滴紙渾穿甘蔗銷殘醉醞醐醒早眠深藏

那遽滅同詠苦無緣雅羨詩能聖終嗟藥未仙五千誠

遠道四十已中年

諸葛亮云揚州萬里潯陽向
餘五千橫今年忽已四十一

暗魄多

相夢衰容每自憐卒章還慟哭蚊蚋溢山川

酬樂天待漏入閣見贈

時樂天為中書舍
人予任翰林學士

未勘銀臺契先排浴殿關沃心因特召承旨絕常班

承旨

學士在諸
學士上

颯閃才人袖

思政對學士往
往宮官傳詔

嘔鴟輒舉鑲宮

花低作帳雲從積成山密視樞機草偷瞻咫尺顏恩垂

天語近對久漏聲閒丹陛曾同立金鑿恨獨攀筆無鴻

業潤袍媿紫文殷河水通天上瀛州接世間謫仙名籍
在何不重來還

酬樂天早春閒遊西湖頗多野趣恨不得與微
之同賞因思在越官重事殷鏡湖之遊或恐未
暇因成十八韻見寄樂天前篇到時適會予亦
宴鏡湖南亭因述目前所睹以成酬答末章亦
示暇誠則勢使之然亦欲粗為恬養之贈耳

浙東

作時

鴈思欲回賓風聲乍變新各攜紅粉伎俱伴紫垣人水

面波疑縠山腰虹

降音

似巾柳條黃大帶茭葑

茭葑草根

綠文

茵雪盡纔通屐汀寒未有蘋向陽偏曬羽依岸小游鱗

浦嶼崎嶇到林園次第巡墨池憐嗜學丹井羨登真

逸少

墨池雅川丹井皆越中異跡

雅歎游方盛聊非意所親白頭辭北闕

滄海是東鄰問俗煩江界蒐畋想渭津故交音訊少歸

夢往來頻獨喜同門舊皆為列郡臣三刀連地軸一葦

礙車輪尚阻青天霧空瞻白玉塵龍因雕字識犬為送

書馴勝事無窮境流年有限身嬾將閒氣力爭鬪野塘
春

江邊四十韻

官為修宅卒然有作因招李
六侍御此後並江陵時作

官借江邊宅天生地勢坳歌危饒壞構迢遞接長郊怪
鵬頻棲息跳蛙頗混殺總無籬繳繞尤怕虎咆哮停潦
魚招獺空倉鼠敵貓土虛煩穴蟻柱朽畏藏蛟蛇虺吞
簷雀豺狼逐野鹿犬驚狂浩浩雞亂響嚶嚶落貧甘
守荒涼穢盡包斷簾飛熠燿當戶網蟪蛄曲突翻成沼

行廊却代庖橋橫老顛拚馬病衰芻艾一一牀頭點連
連砌下泡辱泥疑在絳避雨想經嶠相顧憂為鼈誰能
復繫匏誓心來利往卜食過安文何計逃昏墊移文報
舊交棟梁存伐木苫蓋愧分茅金瑄排黃荻琅玕裹翠
梢花塼水面鬪鴛瓦玉聲敲方礎荆山採修椽郢匠鉋
隱錐一作雷震蟄破竹箭鳴駁正寢初停午頻眠欲轉
胞困圓收一作薄祿厨敝備嘉肴各各人寧宇雙雙燕
賀巢高門受車轍華殿稱蒲捐尺寸皆隨用毫釐敢浪

拋篋餘籠白鶴枝

集本缺

贖架青鷄製榻容筐篚施關拒

斗筲攔干防汲井密室待持膠庭草傭工雜園蔬稚子

培本圖閒種植那要擇肥磽綠袖勤勤數紅榴箇箇抄

池清漉螃蟹瓜蠹拾蠟蟲曬篆看沙烏磨刀綻海鮫羅

灰修藥竈築塚閱弓弞散誕都由習童蒙剩嬾教最便

陶靜飲還作解愁嘲近浦聞歸揖遙城罷曉鏡王孫如

有問須為併揮鞘

春六十韻

節應寒灰下春生返照中未能消積雪已漸少回風迎
氣邦經重齋誠帝念隆龍驤紫宸北天壓翠壇東仙仗
搖佳彩榮光答聖衷便從威仰座隨入大羅宮先到璇
淵底偷穿瑤瑁櫳館娃朝鏡晚太液曉冰融撩摘音芳
情徧搜求好處終九霄渾可可萬姓尚忡忡晝漏頻加
箭宵暉欲半弓驅令三殿出乞與百蠻同直自方壺島
斜臨絕漠戎南巡暖一作珠樹西轉麗崆峒度嶺梅甘
圻潛泉脉暗洪悠悠鋪塞草冉冉著江楓蠶役投筐妾

耘催荷蓀翁既蒸難發地仍送嬾歸鴻約畧環區宇殷

勤綺鎬艷華山青黛撲渭水碧沙蒙宿露清餘靄晴煙

塞迴空燕巢纔點綴鶯舌最惺惚膩粉梨園白臘脂桃

徑紅鬱金垂嫩柳晉畫委高籠地甲門闌大天開禁掖

崇層臺張舞鳳閣道架飛虹翹蘖調神化集本鵷鸞竭

至忠歌鍾一作聲齊錫宴車服獎庸功俊造欣一作興時用

間閭賀歲豐倡樓妝燿燿一作歌農野綠一作參芄芄貴

主驕矜盛豪家恃賴雄偏霑打球彩頻得鑄錢銅專殺

擒揚若殊恩赦

一作赫

鄧通女孫新在內
嬰稚近封公游

衍關心樂詩書對面
斝盤筵饒異味
音樂斥庸工酒愛
油衣淺杯誇瑪瑙
烘挑鬢玉釵髻刺
繡寶裝攏啓齒呈
編貝彈絲動削蔥
醉圓雙媚靨波溢
兩明瞳但賞歡無
極那知恨亦充
洞房閑窈窕庭院
獨蔥龍謝砌縈殘絮
班窗網曙蟲望夫
身化石為伯首如
蓬顧我沉憂士騎
他老病驄靜街乘
曠蕩初日接瞳矐
飲敗肺常渴魂驚
耳更聰虛逢好陽
豔其那苦昏悖
僂俛還移步持疑
又

省躬慵將疲頰質漫走倦羸僮季月行當暮良辰坐歎
窮晉悲焚介子魯願浴沂童燧改鮮妍火陰繁晦澹桐
瑞雲低谷谷香雨潤濛濛藥溉分窠數籬栽備幼冲種
莎憐見葉護筍冀成筒有夢多為蝶因蒐定作熊漂沉
隨壞芥榮茂委蒼穹震動風千變晴和鶴一冲丁寧寒
芳侶須識未開叢

月三十韻

蓂葉標新朔霜豪引細輝白眉驚半隱虹勢訝全微涼

一 作
魄潭空洞虛弓鴈畏威上弦何汲汲佳色轉依依

綺幕殘燈斂妝樓破鏡飛玲瓏穿竹樹岑寂思惛惛坐
愛規將合行看望已幾絳河冰鑑朗黃道玉輪巍迴照
偏瓊砌餘光借粉闈泛池相皎潔壓桂共芳菲的的當
歌扇娟娟透舞衣殷勤入懷什懇款墮雲圻素液傳烘
蓋鳴琴薦碧微椒房深肅肅蘭路靄霏霏翡翠通簾影
琉璃瑩殿扉西園筵瑤瑁東壁射蜘蛛老將占天陣幽
人釣石磯荷鋤元亮息回櫂子猷歸迢遞同千里孤高

淨九圍從星作風雨配日麗旌旗麟鬪寧徒設蠅聲豈
浪譏司存委卿士新拜出郊畿今古雖云極虧盈不易
違珠胎方夜滿清露忍朝晞漸減姮娥面徐收楚練機
卞疑雕壁碎潘感竟牀稀捐篋辭班女潛波蔽處妃氛
埃誰定滅蟾兔杳難希須遣圓明盡良嗟造化非如能
付刀尺別為創璿璣

飲致用神麴酒三十韻

七月調神麴三春釀綠醅雕鐫荆玉蓋烘透內丘餅試

滴盤心露疑添案上螢滿尊凝止水祝地落繁星翻陋
瓊漿濁唯聞石髓馨冰壺通角簾金鏡徹雲屏雪映煙
光薄霜涵霽色冷蚌珠懸皎晶桂魄倒潒溟晝灑蟬將
飲宵揮鶴誤聆琉璃驚太白鍾乳訝微青詎敢辭濡首
并憐可鑿形行當遣俗累便得造禪局何憚說千日甘
從過百齡但令長泛蟻無復恨漂萍膽壯還增氣機忘
反自冥甕眠思畢卓糟藉憶劉伶髣髴中聖日希夷夾
大庭眼前須底物座右任他銘刮骨都無痛如泥未擬

停殘觴猶漠漠華燭已熒熒真性臨時見狂歌半睡聽
喧聞爭意氣調笑學娉婷酩酊焉知極羈離忽暫寧雞
聲催欲曙蟾影照初醒咽絕鶉啼竹蕭撩鴈去汀遙城
傳漏箭鄉寺響風鈴楚澤一為梗堯階屢變莫醉荒非
獨此愁夢幾曾經每恥窮途哭今那客淚零感君澄醴
酒不遣渭和涇

感石榴二十韻

何年安石國萬里貢榴花迢遞河源道因依漢使槎酸

辛犯蔥嶺顛顛涉龍沙初到標珍木多來比亂麻深拋
故園裏少種貴人家唯我荊州見憐君胡地賒從教當
路長兼恣入檐斜綠葉裁煙翠紅英動日華新簾君透
影疎牖燭籠紗委作金爐燄飄成玉砌瑕乍驚珠綴密
終誤繡幃奢琥珀烘梳碎燕支嬾頰塗風翻一樹火雷
轉五雲車絳帳迎宵日芙蓉綻早牙淺深俱隱映前後
各分葩宿露低蓮臉朝光借綺霞暗虹徒繳繞濯錦莫
周遮俗態能嫌舊芳姿尚可嘉非專愛顏色同恨阻幽

遐滿眼思鄉淚相嗟亦自嗟

度門寺

北祖三禪地

神秀禪師造

西山萬樹松門臨溪一帶橋映竹

千重翦鑿基階正包藏景氣濃諸巖分院宇雙嶺抱垣

墉舍利開層塲香爐占小峰道場居士置經藏太師封

太子知栽植神王守要衝由旬排講座丈六寫真容佛

語迦陵說僧行猛虎從修羅擡日拒樓至拔霜鋒畫井

垂枯朽穿池救險喁蕉非難敗壞槿喻暫丰首寶界留

遺事金棺滅去蹤鉢傳烘瑪瑙石長翠芙蓉影帳紗全
落繩牀土半壅金棺已下並荒林迷醉象危壁亞盤龍
行色憐初月歸程待曉鐘心源雖了了塵世苦憧憧宿
蔭高聲懺齋糧并力春他生再來此還願總相逢

大雲寺二十韻

地勝宜臺殿山晴離垢氛現身千佛國護世四王軍碧
耀高樓瓦頰飛半壁文鶴林縈古道鴈塢沒歸雲幡影
中天颺鐘聲下界聞攀蘿極峰頂游目到江濱馴鴿閑

依綴調猿靜守羣虎行風捷獵龍睡氣氛氳獲稻禪衣
卷燒畚劫火焚新英遙采掇荒草象耕耘鉢付靈童洗
香教善女熏果枝低罍罍花雨澤雰雰示化維摩疾降
魔力士勲聽經神變見說偈鳥紛紛上境光猶在深谿
暗不分竹籠煙欲暝松帶日餘曛真諦成知別迷心尚
有云多生沈五蘊宿習樂三墳諭鹿車雖設如蠶緒正
焚且將平等義還奉聖明君

和友封題開善寺十韻

依次重
用本韻

梁王開佛廟雲構歲時遙珠綴飛閒鴿紅泥落碎椒燈
籠青燄短香印白灰銷古匣收遺施行廊畫本朝藏經
霑雨爛魔女捧花嬌亞樹牽藤閣橫查壓石橋竹荒新
筍細池淺小魚跳匠正琉璃瓦僧鋤芍藥苗旋蒸茶嫩
葉偏把柳長條便欲忘歸路方知隱易招

御定全唐詩卷四百八

欽定四庫全書

御定全唐詩卷四百九

元稹

牡丹二首

此後並是校書郎以前作

簇藥風頻壞
栽紅雨更新
眼看吹落地
便別一年春
繁綠陰全合
衰紅展漸難
風光一擡舉
猶得暫時看

象人

被色空成象
觀空色異真
自悲人是假
那復假為人

與楊十二巨源盧十九經濟同遊大安亭各賦
二物各為五韻探得松石

片石與孤松曾經物外逢
月臨棲鶴影雲抱老人峰
蜀客君當問秦官我舊封
積膏當琥珀新劫長芙蓉
待補蒼蒼去
樛柯早變龍

賦得春雪映早梅

飛舞先春雪因依上番梅
一枝方漸秀六出已同開
積素光逾密真花節暗催
搏風飄不散見現忽偏推
郢曲

琴空奏羌音笛自哀今朝兩成詠翻挾昔人才

賦得玉卮無當

韻取卮字

共惜連城寶翻成無當卮
詐慙君子貴深訝巧工隳
泛蟻功全小如虹色不移
可憐殊礫石何計辨糟醜
江海誠難滿盤筵莫忘施
縱垂斟酌意猶得對光儀

賦得數萼

元和
中作

將課司天厯先觀近砌萼
一旬開應月五日數從星
桂滿叢初合蟾虧影漸零
辨時長有素數閏或餘青
墜葉

推前事新芽察未形堯年始今歲方欲瑞千齡

賦得九月盡

秋字

霜降三旬後
蕙餘一葉秋
玄陰迎落日
涼魄盡殘鉤
半夜灰移琯
明朝帝御裘
潘安過今夕
休詠賦中愁

賦得雨後花

紅芳憐靜色
深與雨相宜
餘滴下纖蘂
殘珠墮細枝
浣花江上思
啼粉鏡中窺
念此低回久
風光幸一吹

早歸

春靜曉風微凌晨帶酒歸遠山籠宿霧高樹影朝暉飲
馬魚驚水穿花露滴衣嬌鶯似相惱含嚙傍人飛

晚秋

竹露滴寒聲離人曉思驚酒醒秋簟冷風急夏衣輕寢
倦解幽夢慮閒添遠情誰憐獨欹枕斜月透窗明

送林復夢赴韋令辟

蜀路危於劍憐君自坦途幾回曾啖炙千里遠銜珠野
性便荒飲時風忌酒徒相門多禮讓前後莫相踰

憶楊十二

楊子愛言詩，春天好詠時。
戀花從馬滯，聯句放杯遲。
日映含煙竹，風牽卧柳絲。
南山更多興，須作白雲期。

夜合

綺樹滿朝陽，融融有露光。
雨多疑濯錦，風散似分妝。
葉密煙蒙火，枝低繡拂墻。
更憐當暑見，留詠日偏長。

新竹

新篁纔解箨，寒色已青蔥。
冉冉偏疑粉，蕭蕭漸引風。
扶

疎多透日寥落未成叢惟有團團節堅貞大小同

秋相望

檐月驚殘夢浮涼滿夏衾蠨蛸低戶網螢火度牆陰爐
暗燈光短牀空帳影深此時相望久高樹憶橫岑

春病

病來閒卧久因見靜時心殘月曉窗迴落花幽院深望
山移坐榻行藥步牆陰車馬門前度遙聞哀苦吟

山竹枝

自化感寺攜來至
清源投之輞川耳

深院虎溪竹遠公身自裁多慙折君節扶我出山來貴
宅安危步難將混俗材還投輞川水從作老龍回

悟禪三首寄胡果

近聞胡隱士潛認得心王不恨百年促翻悲萬劫長有
修終有限無事亦無殃慎莫通方便應機不頓忘

百年都幾日何事苦蹶然晚歲倦為學閒心易到禪病
宜多宴坐貧似少攀緣自笑無名字因名自在天

近見新章句因知見在心春游晉祠水晴上霍山岑問

法僧當偈還丹客贈金莫驚頭欲白禪觀老彌深

東臺去

僕每為崔白二學士話陶先生喜不遇之事且曰僕得分司東臺即足以買山

家

陶君喜不遇予每為君言今日東臺去澄心在陸渾旋
抽隨日俸并買近山園千萬崔兼白殷勤承主恩

戴光弓

韋許事見贈也

潞府筋角勁戴光因合成因君懷膽氣贈我定交情不
擬閑穿葉那能枉始生唯調一隻箭飛入破聊城

劉頗詩 并序

昌平人劉頗其上三世有義烈頗少落行陣二十
解屬文舉進士科試不就負氣狹路間病甕車蔽
柩盡碎之罄囊酬直而去南歸唐州為吏所軋勢
不支氣屈自火其居出契書投火中繇是以氣聞
予聞風四五年而後見因以詩許之

一言感激士三世義忠臣破甕嫌妨路燒莊恥屬人迥
分遼海氣閒躅洛陽塵儻使權由我還君白馬津

夜飲

燈火隔簾明竹梢風雨聲詩篇隨意贈杯酒越巡行漫
唱江朝曲閒徵藥草名莫辭終夜飲朝起又營營

褒城驛

軍大夫
嚴秦修

嚴秦修此驛兼漲驛前池已種千竿竹又一作更栽千樹

梨四年三月半新筍晚花

一作牡丹

時悵望

一作恩向

東川去等

閒

一作偶然

題作

一作此

詩

閒二首

瞻澹洲煙白籬節日脚紅江喧過雲雨船泊打頭風艇
子收魚市鴉兒噪荻叢不堪堤上立滿眼是蚊蟲

青衫經夏黝白髮望鄉稠雨冷新秋葦星稀欲曙樓連
鴻盡南去雙鯉本東流北信無人寄蟬聲滿樹頭

欲曙

江隄閱暗流漏鼓急殘籌片月低城堞稀星轉角樓鶴
媒華表上鷓鴣柳枝頭不為來趨府何因欲曙遊

寄胡靈之

早歲顛狂伴城中，共幾年。有時潛步出連夜，小亭眠月影。侵牀上花叢，在眼前。今宵正風雨，空宅楚江邊。

夜雨

水怪潛幽草，江雲擁廢居。雷驚空屋柱，電照滿牀書。竹瓦風頻裂，茅檐雨漸疎。平生滄海意，此去怯為魚。

酬李六醉後見寄口號

用本韻

頓愈頭風疾，因吟口號詩。文章紛似繡，珠玉布如綦。健羨觥飛酒，蒼黃日映籬。命童寒色倦，撫穉晚啼饑。潦倒

慙相識平生頗自竒
明公將有問林下是靈龜

歸田

時三十七

陶君三十七挂綬出都門
我亦今年去商山浙岸邨
冬修方丈室春種桔槔園
千萬人間事從茲不復言

綠路

總是玲瓏竹兼藏淺漫溪
沙平深見底石亂不成泥
煙火遙邨落桑麻隔稻畦
此中如有問甘被到頭迷

誚盧戡與予數約遊三寺
戡獨沈醉而不行

乘興無羈束閒行信馬蹄
路幽穿竹遠野迴望雲低
素帚茅花亂圓珠稻實齊
如何盧進士空戀醉如泥

遣春三首

楊公三不惑我惑兩般全
逢酒判身病拈花盡意憐
水生低岸沒梅感小珠連
千萬紅顏輩湏驚又一年

柳眼開渾盡梅心動已闌
風光好時少杯酒病中難
學問慵都廢聲名老更判
唯餘看花伴未免憶長安

失却遊花伴因風浪引將
柳堤遙認馬梅徑誤尋香
晚

景行看謝春心漸欲狂園林都不到何處枉風光

歲日

一日今年始一年前事空淒涼百年事應與一年同

湘南登臨湘樓

高處望瀟湘花時萬井香雨餘憐日嫩歲閨覺春長霞
刹分危榜煙波透遠光情知樓上好不是仲宣鄉

晚宴湘亭

晚日宴清湘晴空走豔陽花低愁露醉絮起覺春狂舞

旋紅裙急歌垂碧袖長甘心出童歿湏一盡時荒

酒醒

飲醉日將盡醒時夜已闌暗燈風跋曉春席水窗寒未
解縈身帶猶傾墜枕冠呼兒問狼藉疑是夢中歡

御定全唐詩卷四百九

欽定四庫全書

御定全唐詩卷四百十

元稹

獨遊

遠地難逢侶
閒人且獨行
上山隨老鶴
接酒待殘鶯
花當西施面
泉勝衛玠清
鵜鶘滿春野
無限好同聲

洞庭湖

人生除泛海
便到洞庭波
駕浪沉西日
吞空接曙河
虞

巡竟安在軒樂詎曾過唯有君山下狂風萬古多

雪天

故鄉千里夢往事萬重悲小雪沉陰夜間窗老病時獨
聞歸去鴈偏詠別來詩慚媿紅妝女頻驚兩鬢絲

贈熊士登

平生本多思况復老逢春今日梅花下他鄉值故人

別嶺南熊判官

十年常遠道不忍別離聲况復三巴外仍逢萬里行桐

花新雨氣梨葉晚春晴到海知何日風波從此生

水上寄樂天

眼前明月水先入漢江流漢水流江海西江過庾樓庾樓今夜月君豈在樓頭萬一樓頭望還應望我愁

夏陽亭臨望寄河陽侍御堯

望遠音書絕臨川意緒長殷勤眼前水千里到河陽

日高睡

隔是身如夢頻來不為名憐君近南住時得到山行

輞川

世累為身累閒忙不自由殷勤輞川水何事出山流

天壇歸

為結區中累因辭洞裏花還來舊城郭煙火萬人家

雨後

倦寢數殘更孤燈暗又明竹梢餘雨重時復拂簾驚

晴日

多病苦虛羸晴明強展眉讀書心緒少閒卧日長時

直臺

麋入神羊隊烏驚海鷺眠仍教百餘日迎送直廳前

行宮

一作王
建詩

寥落古行宮宮花寂寞紅白頭宮女在閒坐說玄宗

醉行

秋風方索漠霜貌足睽攜今日騎驄馬街中醉蹋泥

指巡胡

遣悶多憑酒公心只仰胡挺身唯直指無意獨欺愚

飲新酒

聞君新酒熟况值菊花秋莫怪平生志圖銷盡日愁

香球

順俗唯團轉居中莫動搖愛君心不測猶訝火長燒

景申秋八首

年年秋意緒多向雨中生漸欲煙火近稍憐衣服輕詠
詩閒處立憶事夜深行
獲落尋常慣淒涼別為情

蚊幌雨來卷燭蛾燈上稀啼兒冷秋簟思婦問寒衣簾

斷螢火入窗明蝙蝠飛良辰日夜去漸與壯心違
嗚嗚簷雷凝丁丁窗雨繁枕傾筒簟滑幔颭案燈翻喚
魘兒難覺吟詩婢苦煩強眠終不著閒卧暗消魂

瓶瀉高簷雨窗來激箭風病憎燈火暗寒覺薄幃空婢
報樵蘇竭妻愁院落通老夫慵計數教想蔡城東

風頭難著枕病眼厭看書無酒銷長夜回燈照小餘三
元推廢王九曜入乘除廊廟應多算參差幹太虛

經雨籬落壞入秋田地荒竹垂哀折節蓮敗惜空房小

片慈菇白低叢柚子黃眼前撩亂葦無不是同鄉
雨柳枝枝弱風光片片斜蜻蜓憐曉露蛺蝶戀秋花
啁空籬雀寒棲滿樹鴉荒涼池館內不似有人家

病苦十年後連陰十日餘人方教作鼠天豈遣為魚鮫
綻鄴城劍蟲凋鬼火書出聞泥濘盡何地不推車

遣行十首

慘切風雨夕

集作多

沉吟離別情燕辭前日社蟬是每年

聲暗淚深相感危心亦自驚不如元不識俱作路人行

十五年前事恓惶無限情
病僮更借出羸馬共馳聲
射葉揚纜破聞弓鴈已驚
小年辛苦學求得苦辛行

徙倚簷宇下思量去住情
暗螢穿竹見斜雨隔窗聲
就枕回轉數聞雞撩亂驚
一家同草草排比送君行

已愴朋交別復懷兒女情
相兄亦相舊同病又同聲
白髮年年剩秋蓬處處驚
不堪身漸老頻送異鄉行

塞上風雨思城中兄弟情
北隨鷓立位南送鴈來聲
遇適尤兼恨聞書喜復驚
唯應遙料得知我伴君行

暮欲歌吹樂暗衝泥水情
稻花秋雨氣江石夜灘聲
犬吠穿籬出鷗眠起水驚
愁君明月夜獨自入山行

七過褒城驛回回各為情
八年身世夢一種水風聲
尋覓詩章在思量歲月驚
更悲西塞別終夜繞池行

褒縣驛前境曲江池上情
南堤衰柳意西寺晚鐘聲
雲水興方遠風波心已驚
可憐皆老大不得自由行

見說巴風俗都無漢性情
猿聲蘆管調羌笛竹雞聲
迎候人應少平安火莫驚
每逢危棧處湏作貫魚行

聞道陰平郡，翛然古戍情。
橋兼麋鹿蹋，山應鼓鼙聲。
羌婦梳頭緊，蕃牛護尾驚。
憐君閒悶極，只傍白江行。

生春二十首

丁酉歲凡
二十章

何處生春早春生，雲色中籠蔥蔥間。
著水晻淡欲隨風，度曉分霞態餘光。
庇雪融晚來低漠漠，渾欲泥幽叢。

何處生春早春生，漫雪中渾無到地片。
唯逐入樓風，屋上此此薄池心。
旋旋融自悲，銷散盡誰假入蘭叢。

何處生春早春生，霽色中遠林橫返。
照高樹亞東風水

凍霜威庇泥新地氣融漸知殘雪薄抄近最憐叢

何處生春早春生曙火中星圍分暗陌煙氣滿晴風宮

樹棲鴟亂城樓帶雪融競排閭闔側珂傘自相叢

何處生春早春生曉禁中殿階龍旆日漏閣寶箏風藥

樹香煙重天顏瑞氣融柳梅渾未覺青紫已叢叢

何處生春早春生江路中雨移臨浦市晴候過湖風蘆

筍錐猶短凌澌玉漸融數宗船載足商婦兩着叢

何處生春早春生野墅中病翁閒向日征婦嬾成風斫

篔天雖暖穿區凍未融鞭牛縣門外爭土蓋蠶叢

何處生春早春生冰岸中尚憐扶臘雪漸覺受東風織
女雲橋斷波神玉貌融便成嗚咽去流恨與蓮叢

何處生春早春生柳眼中芽新纔綻日茸短未含風綠
誤眉心重黃驚蠟淚融碧條殊未合愁緒已先叢

何處生春早春生梅援中藥排難犯雪香乞音氣擬來風

隴迴羌聲怨江遙客思融年年最相惱綠未有諸叢

何處生春早春生鳥思中鵲巢移舊歲戴羽旋高風鴻

鴈驚沙暖鴛鴦愛水融最憐雙翡翠飛入小梅叢

何處生春早春生池榭中鏤瓊冰陷日文縠水迴風柳
愛和身動梅愁合樹融草芽猶未出挑得小萱叢

何處生春早春生稚戲中亂騎殘爆竹爭唾小旋風罵
雨愁妨走呵冰喜旋融女兒針線盡偷學五辛叢

何處生春早春生人意中曉妝雖近火晴戲漸憐風暗
入心情嬾先添酒思融預知花好惡偏在最深叢

何處生春早春生半睡中見燈如見霧聞雨似聞風開

眼猶殘夢擡身便恐融却成雙翅蝶還繞庫花叢

一本
箇人

驚屋壓魂
逐牡丹叢

何處生春早春生曉鏡中手寒勻面粉鬟動倚簾風宿
霧梅心滴朝光幕上融思牽梳洗嬾空拔綠絲叢

何處春生早春生綺戶中玉櫳穿細日羅幔張上聲輕風

柳軟腰支嫩梅香密氣融獨眠侑妬物偷錐合歡叢

何處生春早春生老病中土膏蒸足腫天暖癢頭風似
覺肌膚展潛知血氣融又添新一歲衰白轉成叢

何處生春早春生客思中旅魂驚北鴈鄉信是東風縱
有心灰動無由鬢雪融未知開眼日空繞未開叢

何處生春早春生濛雨中裊塵微有氣拂面細如風柳
誤啼珠密梅驚粉汗融滿空愁淡淡應豫憶芳叢

嘉陵水

爾是無心水東流有恨無我心無說處也共爾何殊

漫天嶺贈僧

五上兩漫天因師懺業緣漫天無盡日浮世有窮年

百牢關

天上無窮路生期七十間那堪九年內五度百牢關

二月十九日酬王十八全素

此後有酬和
並次用本韻

君念世上川嗟予老瘴天那堪十日內又長白頭年

滎陽鄭公以稹寓居嚴茅有池塘之勝寄詩四

首因有意獻

激射分流濶灣環此地多暫停隨梗浪猶閱敗霜荷恨
阻還江勢思深到海波自傷才畎澮其奈贈珠何

酬樂天寄蘄州簟

蘄簟未經春君先拭翠筠知為熱時物預與瘴中人碾
玉連心潤編牙小片珍霜凝青汗簡冰透碧游鱗水魄
輕涵黛琉璃薄帶塵夢成傷冷滑驚卧老龍身

酬李浙西先因從事見寄之作

近日金鑿直親於漢珥貂內人傳帝命丞相讓吾僚浙
郡懸旌遠長安諭日遙因君藥珠贈還一夢煙霄

酬周從事望海亭見寄

年老無流輩行稀足薜蘿
熱時憐水近高處見山多
衣袖長堪舞喉嚨轉解歌
不辭狂復醉人世有風波

代杭民答樂天

翠幕籠斜日朱衣儼別筵
管弦淒欲罷城郭望依然
路溢新城市農開舊廢田
春坊幸無事何惜借三年

御定全唐詩卷四百十

欽定四庫全書

御定全唐詩卷四百十一

元稹

杏園

此後並校書
郎已前詩

浩浩長安車馬塵狂風吹送每年春門前本是虛空一作

虛空界何事栽花誤世人

菊花

秋叢繞舍似陶家遍繞籬邊日漸斜不是花中偏愛菊

此花開盡更無花

酬哥舒大少府寄同年科第

前年科第偏年少未解知羞最愛狂九陌爭馳好鞍馬

八人同著綵衣裳

同年科第宏詞呂二吳王十一起拔萃白二十二居易平判李十一復禮

呂四頻哥舒大煩崔十八玄亮逮不肖八人皆奉榮養

自言行樂朝朝是豈料浮

生漸漸忙賴得官閒且疎散到君花下憶諸郎

幽棲

野人自愛幽棲所近對長松遠是山盡日望雲心不繫

有時看月夜方閒，壺中天地乾坤外。
夢裏身名旦暮間，
遼海若思千歲鶴，且留城市會飛還。

清都春霽寄胡三吳十一

藥珠宮殿經微雨，草樹無塵耀眼光。
白日當空天氣暖，
好風飄樹柳陰涼。
蜂憐宿霧攢芳久，燕得新泥拂戶忙。
時節催年春不住，武陵花謝憶諸郎。

華嶽寺

貞元二十年正月二十五日自洛之京
二月三日春社至華嶽寺憇寶師院曾

未逾月又復徂東再謁
寶師因題四韻而已

山前古寺臨長道來往淹留為愛山雙燕營巢始西別
百花成子又東還暝驅羸馬頻看堠曉聽鳴雞欲度關
羞見竇師無外役竹窗依舊老身閒

天壇上境

貞元二十年五月十四日夜宿天壇
石幢側十五日得盤屋馬逢少府書

知予遠上天壇因以長句見贈篇末仍
云靈溪試為訪金丹因於壇上還贈

野人性僻窮深僻芸署官閒不似官萬里洞中朝玉帝
上有洞九光霞外宿天壇洪漣浩渺東溟曙白日低回
周萬里上境寒因為南昌檢仙籍馬君家世奉還丹

尋西明寺僧不在

春來日日到西林
飛錫經行不可尋
蓮池舊是無波水
莫逐狂風起浪心

與吳侍御春遊

蒼龍闕下陪驄馬
紫閣峰頭見白雲
滿眼流光隨日度
今朝花落更紛紛

晚春

晝靜簾疎燕語頻
雙雙鬪雀動階塵
柴扉日暮隨風掩

落盡閒花不見人

先醉

今日樽前敗飲名三梧未盡不能傾怪來花下長先醉
半是春風蕩酒情

獨醉

一樹芳菲也當春漫隨車馬擁行塵桃花解笑鶯能語
自醉自眠那藉人

宿醉

風引春心不自由等閒衝席飲多籌朝來始向花前覺
度却醒時一夜愁

懼醉

答盧
子蒙

聞道秋來怯夜寒不辭泥水為拈盤殷勤懼醉有深意
愁到醒時燈火闌

羨醉

綺陌高樓競醉眠共期顛顛不相憐也應自有尋春日
虛度而今正少年

憶醉

自歎旅人行意速每嫌杯酒緩歸期今朝偏遇一作醒

偶

時別淚落風前憶醉時

病醉

戲作吳吟贈盧十九經濟張三十四弘辛丈丘度

醉伴見儂因病酒道儂無酒不相窺那知下藥還沽底

人去人來剩一卮

擬醉

與盧子蒙飲於寶晦之醉後賦詩共十九首子蒙叙為別卷自此至狂醉皆是夕所

賦

九月閒宵初向火一尊清酒始行梧憐君城外遙相憶
冒雨衝泥黑地來

勸醉

竇家能釀銷愁酒但是愁人便與銷願我共君俱寂寞
只應連夜復連朝

任醉

本怕酒醒渾不飲因君相勸覺情來殷勤滿酌從聽醉
乍可欲醒還一杯

同醉

呂子元庚及之杜歸
和同隱客泛韋氏池

柏樹臺中推事人杏花壇上鍊形真心源一種閒如水

同醉櫻桃林

一作
樹下春

狂醉

一自柏臺為御史二年辜負兩京春峴亭今日顛狂醉
舞引紅娘亂打人

伴僧行

春來求事百無成因向愁中識道情花滿杏園千萬樹

幾人能伴老僧行

古寺

古寺春餘日半斜
竹風蕭爽勝人家
花時不到有花院
意在尋僧不在花

定僧

落魄閒行不著家
徧尋春寺賞年華
野一作禪僧偶向花
前定滿樹狂風滿樹花

觀心處

滿坐喧喧笑語頻獨憐方丈了無塵
燈前便是觀心處
要似觀心有幾人

智度師二首

四十年前馬上飛功名藏盡擁禪衣
石榴園下擒生處
獨自閒行獨自歸

三陷思明三突圍鐵衣拋盡衲禪衣
天津橋上無人識
閒凭欄干望落暉

西明寺牡丹

花向琉璃地上生
光風炫轉紫雲英
自從天女盤中見
直至今朝眼更明

憶楊十二

去時芍藥纔堪贈
看却殘花已度春
只為情深偏愴別
等閒相見莫相親

送復夢赴韋令幕

世上於今重檢身
吾徒耽酒作狂人
西曹舊事多持法

慎一作切莫吐他丞相茵

送劉太白

太白居
從善坊

洛陽大底居人少從善坊西最寂寥想得一作到劉君獨

騎馬古堤愁

一作秋

樹隔中橋

奉誠園

馬司徒
舊宅

蕭相深誠奉至尊舊居求作奉誠園秋來古巷無人掃
樹滿空牆閉戟門

與太白同之東洛至櫟陽太白染疾駐行予九
月二十五日至華嶽寺雪後望山

共作洛陽千里伴老劉因疾駐行軒今朝獨自山前立
雪滿三峰倚寺門

野狐泉柳林

去日野狐泉上柳紫牙初綻拂眉低秋來寥落驚風雨
葉滿空林踏作泥

酬胡三憑人問牡丹

竊見胡三問牡丹為言依舊滿西欄花時何處偏相憶
寥落衰紅雨後看

酬樂天秋興見贈本句云莫怪獨吟秋興苦比
君校近二毛年

勸君休作悲秋賦白髮如星也任垂畢竟百年同是夢
長年何異少何為

御定全唐詩卷四百十一

欽定四庫全書

御定全唐詩卷四百十二

元稹

雪後宿同軌店上法護寺鐘樓望月

滿山殘雪滿山風
野寺無門院院空
煙火漸稀孤店靜
月明深夜古樓中

陪韋尚書丈歸履信宅因贈韋氏兄弟

紫垣騶騎入華居
公子文衣護錦輿
眠閣書生復何事

也騎羸馬從尚書

永貞二年正月二日上御丹鳳樓赦天下予與

李公垂庾順之間行曲江不及盛觀

春來饒夢慵朝起不看千官擁御樓却著閒行是忙事
數人同傷曲江頭

韋居守晚歲常言退休之志因署其居曰大隱
洞命予賦詩因贈絕句

謝公潛有東山意已向朱門啟洞門大隱猶疑戀朝市

不如名作罷歸園

贈李十二牡丹花片因以餞行

鶯澁餘聲絮墮風牡丹花盡葉成叢可憐顏色經年別
收取朱闌一片紅

題李十一修行

竹一作

里居壁

雲闕朝迴塵騎合杏花春盡曲江間憐君雖在城中住
不隔人家便是山

靖安窮居

喧靜不由居遠近大都車馬就權門野人住處無名利
草滿空階樹滿園

贈樂天

等閒相見銷長日也有閒時更學琴不是眼前無外物
不關心事不經心

使東川

并序 此後
並御史時作

元和四年三月七日予以監察御史使東川往來
鞍馬間賦詩凡三十二章秘書省校書郎白行簡

為予手寫為東川卷今所錄者但七言絕句長句
耳起駱口驛盡望驛臺二十二首云

駱口驛二首

東壁上有李二十員外逢吉崔
二十二侍御韶使雲南題名處

北壁有翰林白二十二居易題擁石關云開
雪紅樹等篇有王質夫和焉王不知是何人
也

郵亭壁上數行字崔李題名王白詩盡日無人共言語
不離牆下至行時

二星徼外通蠻服五夜燈前草御文我到東川恰相半

向南看月北看雲

清明日

行至漢上憶與樂天知退
杓直拒非順之輩同遊

常年寒食好風輕觸處相隨取次行今日清明漢江上

一身騎馬縣官迎

亞枝紅

往歲與樂天曾於郭家亭子竹林中
見亞枝紅桃花半在池水自後數年

不復記得忽於襄城驛池岸竹
間見之宛如舊物深所愴然

平陽池上亞枝紅悵望山郵事事同還向萬竿一作深

竹裏一枝渾卧碧流中

梁州夢

是夜宿漢川驛夢與杓直樂天同遊
曲江兼入慈恩寺諸院倏然而寤則

遞乘及階郵吏
已傳呼報曉矣

夢君同繞

一作兄弟

曲江頭也向慈恩院院遊
亭吏呼人排

去馬

一作喚人
排馬去

忽驚身在古梁州

南秦雪

帝城寒盡臨寒食
駱谷春深未有春
纔見嶺頭雲似蓋

已驚巖下雪如塵
千峰筍石千株

一作條

玉萬樹松蘿萬

朵銀飛鳥不飛猿
不動青驄御史上南秦

江樓月

嘉川驛望月憶杓直樂天知退拒非順之數賢居近曲江間夜多同步月

嘉陵江岸驛樓中江在樓前月在空月色滿牀兼滿地

江聲如鼓復如風誠知遠近皆三五但恐陰晴有異同

萬一帝鄉還潔白

一作皎潔

幾人潛傍杏園東

慙問囚

蜀門夜行憶與順之在司馬鍊師壇上話出處時

司馬子微壇上頭與君深結白雲儔尚平邨落擬連買
王屋山泉為別遊各待陸渾求一尉共資三徑便同休
那知今日蜀門路帶月夜行緣問囚

江上行

悶見漢江流不息悠悠漫漫竟何成
江流不語意相問
何事遠來江上行

漢江上

一無笛上字

二月十五日夜於西縣白馬驛南樓聞笛悵然憶得小年

曾與從兄長楚寫漢江聞笛賦而有愴耳

小年為寫遊梁賦最說漢江聞笛愁
今夜聽時在何處
月明西縣驛南樓

郵亭月

於駱口驛見崔二十二題名處數夜後於青山驛玩月憶得崔生好持確

論每於宵話之中常曰人生晝務夜安步月
閒行吾不與也言訖堅卧他人雖千百其詞
難動搖矣至是愴
然思此題因有獻

君多務實我多情大抵偏嗔步月明今夜山郵與蠻嶂
君應堅卧我還行

嘉陵驛二首

篇末
有懷

嘉陵驛上空牀客一夜嘉陵江水聲仍對牆南滿山樹
野花撩亂月朧明

牆外花枝壓短牆月明還照半張牀無人會得此時意

一夜獨眠西畔廊

百牢關

奉使推卜
吏任敬仲

嘉陵江上萬重山何事臨江一破顏
自笑只緣任敬仲等閒身度百牢關

江花落

日暮嘉陵江水東梨花萬片逐江風
江花何處最腸斷半落江流半在空

嘉陵江二首

秦人惟識秦中水，長想吳江與蜀江。
今日嘉川驛樓下，可憐如練繞明窗。

千里嘉陵江水聲，何年重繞此江行。
只應添得清宵夢，

時見滿江流。

一作秋

月明

西縣驛

去時樓上清明夜，月照樓前撩亂花。
今日成陰復成子，可憐春盡未還家。

望喜驛

滿眼文書堆案邊
眼昏偷得暫時眠
子規驚覺燈又滅
一道月光橫枕前

好時節

身騎驄馬峨眉下
面帶霜威卓氏前
虛度東川好時節
酒樓元被蜀兒眠

夜深行

夜深猶自繞江行
震地江聲似鼓聲
漸見戍樓疑近驛
百牢關吏火前迎

望驛臺

三月
畫

可憐三月三旬足
悵望江邊望驛臺
料得孟光今日語
不曾春盡不歸來

贈咸陽少府蕭郎

莫怪逢君淚每盈
仲由多感有深情
陸家幼女託良壻
阮氏諸房無外生
顧我自傷為弟拙
念渠能繼事姑名
別時何處最腸斷
日暮渭陽驅馬行

贈呂三校書

與呂校書同年科第後為別七年
元和己丑歲八月偶於陶化坊會

宿

同年同拜校書郎觸處潛行爛漫狂共占花園爭趙辟
競添錢貫定秋娘七年浮世皆經眼八月閒宵忽並牀
語到欲明歡又泣侑人相笑兩相傷

封書

鶴臺南望白雲關城市猶存暫一還書出步虛三百韻
藥珠文字在人間

仁風李著作作園醉後寄李十

隴明春月照花枝花下音

鶯一作

聲是

似一作

管兒却笑西

京李員外五更騎馬趁朝時

燈影

洛陽晝夜無車馬漫挂紅紗滿樹頭見說平時燈影裏
玄宗潛伴太真游

貶江陵途中寄樂天杓直杓直以員外郎判鹽

鐵樂天以拾遺在翰林

此後並江陵士曹時
詩李建字杓直

想到江陵無一事酒杯書卷綴新文紫芽嫩茗和枝采

朱橘香苞數瓣分
暇日上山狂逐鹿
凌晨過寺飽看雲
算緡草詔終須解
不敢將心遠羨君

渡漢江

去年春奉使東
川經嵯冢山下

嵯冢去年尋漾水
襄陽今日渡江濱
山遙遠樹纒成點
浦靜沉碑欲辨文
萬里朝宗誠可羨
百川流入渺難分
鯢鯨歸穴東溟溢
又作波濤隨伍員

哀病驄呈致用

檻上病驄啼裊裊
江邊廢宅路迢迢
自經梅雨長垂耳

乍食菰蔣欲折腰金絡頭銜光未滅玉花衫色瘦來焦
曾聽禁漏驚衙鼓慣蹋康衢怕小橋半夜雄嘶心不死
日高饑卧尾還搖龍媒薄地天池遠何事牽牛在碧霄

送嶺南崔侍御

我是北人長北望每嗟南鴈更南飛君今又作嶺南別
南鴈北歸君未歸洞主參承驚豸角島夷安集慕霜威
黃家賊用鑿刀利白水郎行旱地稀蜃吐朝光樓隱隱
鼇吹細浪雨霏霏毒龍蛻骨轟雷鼓野象埋牙斲石磯

火布垢塵湏火浣木綿溫軟當綿衣
梳擲麩擯榔澀海氣常昏海日微
蛟老變為妖婦女舶來多賣假珠璣
此中無限相憂事請為殷勤事事依

酬樂天八月十五夜禁中獨直玩月見寄

一年秋半月偏深况就煙霄極賞心
金鳳臺前波漾漾玉鈎簾下影沉沉
宴移明處清蘭路歌待新詞促翰林
何意枚臯正承詔瞥然塵念到江陰

子病瘴樂天寄通中散碧腴垂雲膏仍題四韻

以慰遠懷開坼之間因有酬答

紫河變鍊江霞散翠液煎研碧玉英金籍真人天上合
鹽車病驥軛前驚愁腸欲轉蛟龍吼醉眼初開日月明
唯有思君治不得膏銷雪盡意還生

御定全唐詩卷四百十二

欽定四庫全書

御定全唐詩卷四百十三

元稹

陪諸公游故江西韋大夫通德湖舊居有感題
四韻兼呈李六侍御即韋大夫舊寮也

高墉行馬接通湖巨壑藏舟感大夫塵壁暗埋悲舊札
風簾吹斷落殘珠煙波漾日侵隕岸狐兔奔叢拂坐隅
唯有滿園桃李下膺門偏拜阮元瑜

送友封二首

黔府寶華
字友封

桃葉成陰燕引雛
南風吹浪颭檣烏
瘴雲拂地黃梅雨
明月滿帆青草湖
迢遞旅魂歸去遠
顛狂酒興病來孤
知君兄弟憐詩句
徧為姑將惱大巫

惠和坊裏當時別
豈料江陵送上船
鵬翼張風期萬里
馬頭無角已三年
甘將泥尾隨龜後
尚有雲心在鶴前
若見中丞忽相問
為言腰折氣衝天

放言五首

近來逢酒便高歌醉舞詩狂漸欲魔五斗解醒猶恨少
十分飛蓋未嫌多眼前讐敵都休問身外功名一任他
死是等閒生也得擬將何事奈吾何

莫將心事厭長沙雲到何方不是家酒熟舖糟學漁父
飯來開口似神鷄竹枝待鳳千莖直柳樹迎風一向斜
總被天公霑雨露等頭成長盡生涯

霆轟電熒數聲頻不奈狂夫不藉身縱使被雷燒作燼
寧殊埋骨颺為塵得成蝴蝶尋花樹儻化江魚掉錦鱗

必若乖龍在諸處何須驚一作動自來人

安得心源處處安何勞終日望林巒玉英惟向火中冷
蓮葉元來水上乾寗戚飯牛圖底事陸通歌鳳也無端
孫登不語啓期樂各自當情各自歡

三十年來世上行也曾狂走走趁浮名兩迴左降湏知命
數度登朝何處榮乞我杯中松葉滿遮渠肘上柳枝生
他時定葬燒缸地賣與人家得酒盛

劉二十八以文石枕見贈仍題絕句以將厚意

因持壁州鞭酬謝兼廣為四韻

枕截文瓊珠綴篇野人酬贈壁州鞭用長時節君須策
泥醉風雲我要眠歌盼彩霞臨藥竈執陪仙仗引爐煙
張騫却上知何日隨會歸期在此年

奉和嚴司空重陽日同崔常侍崔郎中及諸公
登龍山落帽臺佳宴

謝公愁思眇天涯蠟屐登高為菊花貴重近臣光綺席
笑憐從事落烏紗萸房暗綻紅珠朶茗椀寒供白露芽

詠碎龍山歸去號馬奔流電妓奔車

送王十一郎游剡中

越州都在浙河灣塵土消沉景象閒
百里油盆鏡湖水千峰鈿朶會稽山
軍城樓閣隨高下禹廟煙霞自往還
想得玉郎一作王郎乘畫舸幾回明月墜雲間

送友封

輕風略略柳欣欣晴色空濛遠似塵
斗柄未回猶帶閨江痕潛上已生春
蘭成宅裏尋枯樹宋玉亭前別故人

心斷洛陽三兩處
窈娘堤抱古天津

送致用

淚霑雙袖血成文
不為悲身為別君
望鶴眼穿期海外
待烏頭白老江濱
遙看逆浪愁翻雪
漸失征帆錯認雲
欲識九迴腸斷處
潯陽流水逐一作九條分

早春登龍山靜勝寺時非休澣司空特許是行
因贈幕中諸公

謝傅知憐景氣新
許尋高寺望江春
龍文遠水吞平岸

羊角輕風旋細塵
山茗粉含鷹背嫩
海榴紅綻錦窠勻
歸來笑問諸從事
占得閒行有幾人

書樂天紙

金鑾殿裏書殘紙
乞與荊州元判司
不忍拈將等閒用
半封京信半題詩

酬孝

一作李

甫見贈十首

各酬本意
次用舊韻

宋玉秋來

一作悲秋

續楚詞陰鏗官漫足
閒詩親情書札相

安慰多道蕭何作判司

杜甫天材頗絕倫，每尋詩卷似情親。
憐渠直道當時語，不著心源傍古人。

十歲荒狂任博徒，接莎五木擲臬盧。
野詩良輔偏憐

一作

憐假長借金鞍，迂酒胡

曾經綽立侍丹墀，綻藥宮花拂面枝。
雉尾扇開朝日出，柘黃衫對碧霄垂。

一自低心翰墨場，箭筈拋盡負書囊。
近來兼愛休糧藥

柏葉紗一作羅雜豆黃

莫笑風塵滿病顏此生原有無間卷舒蓮葉終難濕
去住雲心一種閒

無事拋碁侵虎口幾時開眼復聯行終須殺盡緣邊敵

四面通同

一作流

掩大荒

原憲甘貧每自開子春傷足少人哀巷南唯有陳居士
時學文殊一問來

每識閒人如未識與君相識更相憐經旬不解來過宿
忍見空牀夜夜眠

開圻新詩展大璆明珠炫轉玉音浮
酬君十首三更坐

減却常

一作當

時半夜愁

和樂天招錢蔚章看山絕句

碧落招邀閒曠望黃金城外玉方壺
人間還有大江海
萬里煙波天上無

折枝花贈行

櫻桃花下送君時一寸春心逐折枝
別後相思最多處
千株萬片繞林垂

寄劉顛二首

平生嗜酒顛狂甚不許諸公占丈夫唯愛劉君一片膽
近來還敢似人無

前年碣石煙塵起共看官軍過洛城無限公卿因戰得
與君依舊綠衫行

晨起送使病不行因過王十一館居二首

自笑今朝誤夙興逢他御史瘡相仍過君未起房門掩
深映寒窗一盞燈

密宇深房小火爐
飯香魚熟近中厨
野人愛靜仍耽寢
自問黃昏肯去無

送孫勝

桐花暗澹柳惺惚
池帶輕波柳帶風
今日與君臨水別
可憐春盡宋亭中

遊三寺回呈上府主嚴司空時因尋寺道出當

陽縣奉命覆視縣囚牽於游行一作衍不暇詳究

故以詩自諷爾

謝公恣縱顛狂掾觸處閒行許自由舉板支頤對山色
當筵吹帽落臺頭貪緣稽首他方佛無暇精心滿縣囚
莫責尋常吐茵吏書囊赤白報君侯

遠望

滿眼傷心冬景和一山紅樹寺邊多仲宣無限思鄉淚
漳水東流碧玉波

早春尋李校書

款款春風澹澹雲柳枝低作翠攏君梅含雞舌兼紅氣

江弄瓊花散綠紋帶霧山鶯啼尚小一作少穿沙蘆筍葉
纔分今朝何事偏相覓撩亂芳情最是君

過襄陽樓呈上府主嚴司空樓在江陵節度使

宅北隅

襄陽樓下樹陰成荷葉如錢水面平拂水柳花千萬點
隔林鶯舌兩三聲有時水畔看雲立每日樓前信馬行
早晚暫教王粲上庾公應待月分明

八月六日與僧如展前松滋主簿韋戴同游碧

澗寺賦得扉字韻
寺臨蜀江內有碧澗穿注兩廊
又有龍女洞能興雲雨詩中噴字以平聲韻
空澗長江礙鐵圍高低行樹倚巖扉
穿廊玉澗噴紅旭
踴塢金輪拆翠微
草引風輕馴虎睡
洞驅雲入毒龍歸
他生莫忘靈山別
滿壁人名後會稀

奉和竇容州

明公莫訝容州遠
一路瀟湘景氣濃
斑竹初成二妃廟
碧蓮遙聳九疑峰
禁林聞道長傾鳳
池水那能久滯龍

自歎風波去無極不知何日又相逢

盧頭陀詩 并序

道泉頭陀字源一姓盧氏本名士衍弟曰起郎士
玟則官闕可知也少力學善記

一作能

憶戡解職仕

不三十餘歷八諸侯府皆掌劇事性強邁不錄幽
瑣為吏所構謫官建州無何有異人密授心契冥
失所在盧氏既為大門族兄弟且賢豪惶駭求索
無所得肩子某積歲窮盡荒僻一夕於衡山佛舍

衆頭陀中燈下識之號叫泣血無所顧然而先是
衆以為姜頭陀自是知其為盧頭陀矣爾後往來
湘潭間不常次舍祇以衡山為詣極元和九年張
中丞領潭之歲予拜張公於潭適上人在焉即日
詣所舍東寺一見蒙念不礙小劣盡得本末其事
列而序之仍以四韻七言為贈爾

盧師深話出家由剃盡心花始剃頭馬哭青山別車匿
鵲飛螺髻見羅睺還來舊日經過處似隔前身夢寐游

為向八龍兄弟說他生緣會此生休

醉別盧頭陀

醉迷狂象別吾師夢覺觀空始自悲
盡日笙歌人散後滿江風雨獨醒時
心超幾地行無處雲到何天住有期
頓見佛光身上出已蒙衣內綴摩尼

御定全唐詩卷四百十三

欽定四庫全書

御定全唐詩卷四百十四

元稹

陪張湖南宴望岳樓稹為監察御史張中丞知

雜事

觀象樓前奉末班絳峰只似殿庭間今日高樓重陪宴
雨籠衡岳是南山

岳陽樓

岳陽樓上日銜窗影到深潭
赤玉幢悵望殘春萬般意
滿櫺湖水入西江

寄庾敬休

小來同在曲江頭
不省春時不共游
今日江風好暄煖
可憐春盡古湘州

花栽二首

一作買
花栽

買得山花一兩栽
離鄉別土易摧隤
欲知北客居一作留
南意看取南花北地來

南花北地種應難
且向船中盡日看
縱使將來眼前死
猶勝拋擲在空攔

宿石磯

石磯江水夜潺湲
半夜江風引杜鵑
燈暗酒醒顛倒枕
五更斜月入空船

遭風二十韻

洞庭瀰漫接天迴
一點君山似措杯
暝色已籠秋竹樹
夕陽猶帶舊樓臺
湘南賈伴乘風信
夏口篙工厄泝洄

後侶逢灘方拽筴前宗到浦已眠桅俄驚四面雲屏合
坐見千峰雪浪堆罔象睢盱頰逞怪石尤翻動忽成災
勝凌豈但河宮溢坱軋渾憂地軸摧疑是陰兵致昏黑
果聞靈鼓借喧豗龍歸窟穴深潭漩蜃作波濤古岸隤
水一作木客暗遊燒野火楓人夜長吼春雷浸滛沙市兒
童亂汨沒汀洲鴈鷺哀自歎生涯看轉燭更悲商旅哭
沈財擗烏蚪折頭倉掉水狗斜傾尾纜開在昔詎慙橫
海志此時甘乏濟川才歷陽舊事曾為鼈鮫穴相傳有

化能閉目唯愁滿空電冥心真類不然灰那知否極休
徵至漸覺宵分曙氣催怪族潛收湖黯湛幽妖盡走日
崔嵬紫衣將校臨船問白馬君侯傍柳來喚上驛亭還
醕酌兩行紅袖拂樽罍

贈崔元儒

殷勤夏口阮元瑜二十年前舊飲徒最愛輕欺杏園客
也曾辜負酒家胡此些風景間猶在事事顛狂老漸無
今日頭盤三兩擲翠娥潛笑白髭鬚

鄂州寓館嚴澗宅

時澗不在

鳳有高梧鶴有松偶來江外寄行踪
花枝滿院空啼鳥塵榻無人憶卧龍
心想夜閒唯足夢眼看春盡不相逢
何時最是思君處月入斜窗曉寺鐘

送杜元穎

江上五年同送客與君長羨北歸人
今朝又送君先去千里洛陽城裏塵

貽蜀五首

并序

元和九年蜀從事韋臧文告別蜀多朋舊稔性懶
為寒溫書因賦代懷五章而贈行亦在其數

病馬詩寄上李尚書

萬里長鳴望蜀門
病身猶帶舊瘡痕
遙看雲路心空在
久服鹽車力漸煩
尚有高懸雙鏡眼
何由並駕兩朱轡
唯應夜識深山道
忽遇君侯一報恩

李中丞表臣

韋門同是舊親賓
獨恨潘牀篔有塵
十里花谿錦城麗

五年沙尾白頭新，
何事勞專席老椽。
甘心逐衆人，
却待文星上天去。
少分光影照沈淪。

盧評事子蒙

為我殷勤盧子蒙，
近來無復昔時同。
懶成積疹推難動，
禪盡狂心鍊到空。
老愛早眠虛夜月，
病妨杯酒負春風。
唯公兩弟間相訪，
往往潛然一望公。

張校書元夫

未面西川張校書，
書來稠疊頗相於。
我聞聲價金應敵，

衆道風姿玉不如遠處從人宜謹慎少年為事要舒徐
勸君便是酬君愛莫比尋常贈鯉魚

韋兵曹臧文

處處侯門可曳裾人人爭事蜀尚書摩天氣直山曾拔
澈底心清水共虛鵬翼已翻君好去烏頭未變我何如
殷勤為話深相感不學馮諼待食魚

贈嚴童子

嚴司空孫字照郎十歲能賦詩
往往有奇句書題有成人風

衛瓘諸孫衛玠珍可憐雛鳳好青春解拈玉葉排新句

認得金環識舊身十歲佩觿嬌雉子八行飛札老成人
揚公莫訝清無業家有驪珠不復貧

桐孫詩

井序 此後元和十年詔召
入京及通判司馬以後作

元和五年予貶掾江陵三月二十四日宿曾峰館
山月曉時見桐花滿地因有八韻寄白翰林詩當
時草蹙未暇紀題及今六年詔許西歸去時桐樹
上孫枝已拱矣予亦白鬚兩莖而蒼然斑鬢感念
前事因題舊詩仍賦桐孫詩一絕又不知幾何年

復來商山道中元和十年正月題

去日桐花半桐葉別來桐樹老桐孫城中過盡無窮事
白髮滿頭歸故園

西歸絕句十二首

雙堠頻頻減去程漸知身得近京城春來愛有歸鄉夢
一半猶疑夢裏行

五年江上損客顏今日春風到武關兩紙京書臨水讀

得復言小桃花樹滿商山
樂天書

同歸諫院韋丞相

韋丞相貫之

共貶河南亞大夫

裴中丞度

今日

還鄉獨憔悴幾人憐見白髭鬚

韋丞相貫之裴中丞度

只去長安六日期多應及得杏花時春明門外誰相待

不夢閒人夢酒卮

白頭歸舍意如何賀處無窮弔亦多左降去時裴相宅

舊來車馬幾人過

裴相公均

還鄉何用淚沾襟一半雲霄一半沈世事漸多饒悵望

舊曾行處便傷心

閒遊寺觀從容到
遍問親知次第尋
腸斷裴家光德宅
無人掃地戟門深

一世營營死是休
生前無事定無由
不知山下東流水
何事長湏日夜流

今朝西渡丹河水
心寄丹河無限愁
若到莊前竹園下

殷勤為遶故山流

丹浙莊
之東流

寒窗風雪擁深爐
彼此相傷指白鬚
一夜思量十年事

幾人強健幾人無

宿寶十二
藍田宅

雲覆藍橋雪滿溪
湏臾便與碧峰齊
風回麴市連天合
凍壓花枝著水低

寒花帶雪滿山腰
著柳冰珠滿碧條
天色漸明回一望
玉塵隨馬度藍橋

留呈夢得子厚致用

題藍橋驛

泉溜才通疑夜磬
燒去聲煙餘暖有春泥
千層玉帳鋪松蓋
五出銀區印虎蹄
暗落金烏山漸黑
深埋粉堠路渾迷
心知魏闕無多地
十二瓊樓百里西

小碎

小碎詩篇取次書等閒題柱意何如諸郎到處應相問

留取

一作與

三行代鯉魚

和樂天高相宅

莫愁已去無窮事漫苦如今有限身二百年來城裏宅
一家知換幾多人

和樂天仇家酒

病嗟酒戶年年減老覺塵機漸漸深飲罷醒餘更惆悵

不如閒事不驚心

和樂天贈雲寂僧

欲離煩惱三千界不在禪門八萬條
心火自生還自滅雲師無路與君銷

澧西別樂天博載樊宗憲李景信兩秀才姪谷
三月三十日相餞送

今朝相送自同遊酒語詩情替別愁
忽到澧西總回去一身騎馬向通州

寄曇嵩寂三上人

長學對治思苦處偏將死苦教人間今因為說無生死
無可對治心更閒

題漫天嶺智藏師蘭若僧云住此二十八年

僧臨大道閱浮生來往憧憧利與名二十八年何限客
不曾閒見一人行

蒼溪縣寄揚州兄弟

蒼溪縣下嘉陵水入峽穿江到海流憑仗鯉魚將遠信

鴈回時節到揚州

贈吳渠州從姨兄士則

憶昔分襟童子郎，白頭拋擲又他鄉。
三千里外巴南恨，二十年前城裏狂。
甯氏舅甥俱寂寞，荀家兄弟半淪亡。
淚因生別兼懷舊，回首江山欲萬行。

長灘夢李紳

孤吟獨寢意千般，合眼逢君一夜歡。
慙媿夢魂無遠近，不辭風雨到長灘。

御定全唐詩卷四百十四